


ყვარლის მუნიციპალიტეტი

გამარტივებული
ელექტრონული ტენდერი
სოფ. ახალსოფლის სასმელი წყლის მაგისტრალის მოწყობის სამუშაოების შესყიდვა



2016 წელი

ინფორმაცია ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში, შესყიდვის პროცედურები
ხორციელდება: „სახელმწიფო შესყიდვების შესახებ“ საქართველოს კანონისა და
„ამარტივებული ელექტრონული ტენდერისა და ელექტრონული ტენდერის ჩატარების წესის
დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7
აპრილის #9 ბრძანების შესაბამისად

ტექნიკური დავალება

სოფ. ახალსოფლის სასმელი წყლის მაგისტრალის მოწყობის სამუშაოების შესყიდვა

სამუშაოს შესრულების პირობები და ვადები სამუშაოს ვადა განისაზღვრება ხელშეკრულების გაფორმებიდან არაუგვიანეს 45 დღე.

მიმწოდებელი“ ვალდებულია ობიექტის მიღება-ჩაბარებიდან 5 (ხუთი) წლის განმავლობაში აღმოჩენილი ყველა ხარვეზი, რომელიც არ იქნება, შემსყიდვლის“ ბრალეულობით გამოწვეული, აღმოფხვრას საკუთარი ხარჯით ანგარიშსწორება

სატენდერო წინადადებაში საერთო ფასი გამოსახული უნდა იყოს საქართველოს

კანონმდებლობით გათვალისწინებული შესყიდვის ობიექტთან დაკავშირებული ყველა ხარჯისა და კანონმდებლობით გათვალისწინებული ყველა გადასახადის გათვალისწინებით.

ხარჯები რომელიც სატენდერო წინადადების ფასში არ იქნება გათვალისწინებული არ დაექვემდებარება ანაზღაურებას.

მიმწოდებელს არ აქვს უფლება წარმოადგინოს ალტერნატიული წინადადება

ანგარიშსწორება მოხდება უნაღდო ანგარიშსწორებით ეროვნულ ლუტაში(ლარში) ანგარიშსწორება განხორციელდება 2 (ორი) ეტაპად წარმოდგენილი მიღება ჩაბარებისა და ინსპექტირების ჯგუფის აქტის საფუძველზე

ხელშეკრულების მიმდინარეობის პერიოდში მიმწოდებლის მოთხოვნის შემთხვევაში დასაშვებია წინასწარი ანგარიშსწორება სახელშეკრულებო ეტაპის ღირებულების არაუმეტეს 40% -ის ფარგლებში, მიმწოდებლის მიერ შესაბამის თანხაზე წინასწარი ანგარიშსწორების (საავანსო) საბანკო გარანტიის წარმოდგენის საფუძველზე (თეთრ სიაში შეყვანილ მიმწოდებლებზე გარანტიის ოდენობა ნახევრდება), რომლის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას. • წინასწარი ანგარიშსწორება (ასეთის არსებობის შემთხვევაში) მიმწოდებელთან განხორციელდება მის მიერ შესაბამის თანხაზე გაცემული წინასწარი ანგარიშსწორების (საავანსო) საბანკო გარანტიის წარმოდგენიდან 10 კალენდარული დღის განმავლობაში. • სამუშაოთა შესრულების პერიოდში მიმწოდებლის მხრიდან წინასწარი ანგარიშსწორების (ავანსი) მოთხოვნის შემთხვევაში შემსყიდველი უფლებამოსილია უარი თქვას წინასწარ ანგარიშსწორებაზე მიმწოდებლის მხრიდან ნაკისრი ვალდებულებების არაჯეროვანი შესრულების გამო (ასეთის არსებობისას).

პრეტენდენტი წინადადების ფასში არ ითვალისწინებს დღგ-ს, მიუხედავად იმისა, არის თუ არა იგი დღგ-ს გადამხდელი საქართველოს კანონმდებლობის შესაბამისად. შერჩევა შეფასება განხორციელდება წარმოდგენილი წინადადების ფასების მიხედვით. შემსყიდველი ორგანიზაცია ხელშეკრულების ღირებულებაში გაითვალისწინებს სატენდერო წინადადების ფასის შესაბამის დღგ-ს ოდენობას, თუ ხელშეკრულების დადების მომენტისთვის პრეტენდენტი არის დღგ-ს გადამხდელი საქართველოს კანონმდებლობის მოთხოვნათა შესაბამისად. დღგ-ს გადამხდელად რეგისტრაციის შემთხვევაში პრეტენდენტმა უნდა წარმოადგინოს ცნობა შესაბამისი ორგანოდან.

პრეტენდენტები ვერ გაივილიან შერჩევას თუ მათ მიერ წარმოდგენილი სატენდერო წინადადება არ შესაბამეობა სატენდერო დოკუმენტაციას და /ან სატენდერო განცხადების მოთხოვნებს, გარდა იმ შემთხვევებისა როდესაც წინადადება შიცავს ისეთ უზუსტობას რომლის შემდგომში წარმოდგენა ან/და დაზუსტება არ გამოიწვევს არსებით ცვლილებას და გავლენას სატენდერო წინადადების ფასზე.

პრეტენდენტის მიერ წარმოსადგენი დოკუმენტაცია დანართი

რეკვიზიტები N1

დანართი N 2 ხარჯთაღრიცხვა

დანართი N3 ინფორმაცია გამოცდილების შესახებ

აუცილებელი მინიმალური მოთხოვნა:

პრეტენდენტს ბოლო 5 (ხუთი) წლის განმავლობაში განხორციელებული უნდა ჰქონდეს
ანალოგიური სამუშაოები რომლის ჯამური ღირებულება უნდა შეადგენდეს არანაკლები
500 000 (ხუთასი ათასი) ლარს

პრეტენდენტმა აღნიშნულ ინფორმაციასთან ერთად ელექტრონული სისტემის
მეშვეობით უნდა წარმოადგინოს ამ ობიექტებზე სამუშაოების დასრულების დამადასტურებელი
დოკუმენტების ასლები, მიღება-ჩაბარების აქტები, შესრულებული სამუშაოების აქტები.
საჭიროების შემთხვევაში შემსყიდველი უფლებამოსილია უზრუნველყოს წარმოდგენილი
ინფორმაციის შემოწმება.

ქ. ყვარელი

ხელშეკრულების დამდები

მხარეები ერთის მხრივ ყვარლის მუნიციპალიტეტი „შემსყიდველი“ წარმოდგენილი

მუნიციპალიტეტის გამგებლის ილია მზექალაშვილის სახით და მეორეს მხრივ „მიმწოდებელი“ -----
----- შორის.

1. ხელშეკრულების საგანი და ღირებულება

შემსყიდველმა გამოაცხადა გამარტივებული ელექტრონულ ტენდერი სოფ. ახალსოფლის სასმელი წყლის მაგისტრალის მოწყობის სამუშაოების (დანართი N2) სახელმწიფო შესყიდვის მიზნით (განცხადების № ,CVP45200000) და ტენდერის შედეგად მიმწოდებელმა როგორც გამარჯვებულმა კომპანიამ, აიღო ვალდებულება მიაწოდოს შემსყიდველს ზემოაღნიშნული სამუშაო ----- ლარად ხელშეკრულების გაფორმებიდან არაუგვიანეს 45 დღე

2. ხელშეკრულების შესრულების კონტროლი

2.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

2.2. ხელშეკრულების მიმდინარეობის კონტროლის მიზანს წარმოადგენს:

2.2.1. სამუშაოს მიწოდების ვადების ხელშეკრულების მოთხოვნებთან შესაბამისობის დადგენა;

2.2.2. მიწოდებული სამუშაოს - ხელშეკრულების დანართებთან (ფასების ცხრილ (ხარჯთაღრიცხვა), ტექნიკური დავალება) შესაბამისობის დადგენა, შესაბამისი ინსპექტირების დასკვნის შედგენა, ფარული სამუშაოების კონტროლი (ასეთის არსებობის შემთხვევაში), მიმწოდებლის მიერ შესრულებულ სამუშაოების ან მისი ნაწილის მოცულობისა და ღირებულების დადგენა, მიღება-ჩაბარების აქტ(ებ)ის გაფორმება და ანგარიშსწორების პროცესის რეგულირება.

2.2.3. საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

2.3. ხელშეკრულების შესრულების კონტროლს ახორციელებენ მუნიციპალიტეტის გამგებლის ბრძანების შექმნილი ინსპექტირების ჯგუფი და/ან მოწვეული ექსპერტი სპეციალისტი

3. შესყიდვის ობიექტის მახასიათებლები

3.1. შესყიდვის ობიექტის ტექნიკური დავალება, შესასრულებელი სამუშაოების ჩამონათვალი და ხარჯთაღრიცხვა, სამუშაოს მიწოდების პირობები და ვადები, შესრულებული სამუშაოების საგარანტიო ვადები და პირობები განსაზღვრულია დანართებით, რომლებიც წარმოადგენენ წინამდებარე ხელშეკრულების განუყოფელ ნაწილს.

3.2 შესრულებულ სამუშაოებზე ობიექტის ნორმალური ექსპლუატაციის პირობებში ობიექტზე საბოლოო მიღება-ჩაბარების აქტის ხელმოწერის დღიდან გარანტიის ვადა შეადგენს არანაკლებ 5 ხუთი წლისა.

3.3 „მიმწოდებელი“ ვალდებულია ობიექტის მიღება-ჩაბარებიდან 5(ხუთი) წლის განმავლობაში აღმოჩენილი ყველა ხარვეზი, რომელიც არ იქნება „შემსყიდველის“ ბრალეულობით გამოწვეული, აღმოფხვრას საკუთარი ხარჯით

4. ქვეკონტრაქტორები

4.1 ქვეკონტრაქტორები არ გამოიყენება.

5. სამუშაოს მიღება-ჩაბარების წესი

5.1. სამუშაოს მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად შესრულებული სამუშაოს მოცულობის შესაბამისად. და საშვებია განხორციელდეს მიღება-ჩაბარება არა უმეტეს 2 (ორი) ეტაპად

5.2. მიღება-ჩაბარების გაფორმების მიზნით მიმწოდებელი ვალდებულია შემსყიდველს წარუდგინოს შესრულებული სამუშაოს მოცულობები და ღირებულებები ელექტრონულ ვერსიასთან ერთად.

5.3. ხელშეკრულების 2.3. პუნქტით განსაზღვრული პირ(ებ)ი შესრულებული სამუშაოს ხელშეკრულების დანართებთან (ფასების ცხრილი (ხარჯთაღრიცხვა), ტექნიკური დავალება, მიწოდების ვადები) გათვალისწინებულ მოთხოვნებთან შესაბამისობის დადგენის მიზნით ახორციელებს შესრულებული სამუშაოს შემოწმებას, განიხილავს მიმწოდებლის მიერ წარმოდგენილ შესრულებული სამუშაოების აქტს, ადგენს შესრულებული სამუშაოს ან მისინაწილის ინსპექტირების აქტს.

5.4. იმ შემთხვევაში, თუ შესრულებული სამუშაო შეესაბამება ხელშეკრულების მოთხოვნებს, ხელშეკრულების 2.3. პუნქტით განსაზღვრული პირ(ებ)ი ადგენს მიღება-ჩაბარების აქტს და ახორციელებს შესრულებული სამუშაოს ან მისი ნაწილის მიღებას, ხოლო თუ გამოვლინდება, რომ შესრულებული სამუშაო და/ან მოცულობა არაობიექტური მიზეზის გამო არ აკმაყოფილებს ხელშეკრულების მოთხოვნებს, შემსყიდველს უფლება აქვს არ მიიღოს სამუშაო ან მისი ნაწილი

5.5 სამუშაოთა საბოლოო მიღება .

5.5.1. მიწოდებული სამუშაოს საბოლოო მიღება ხორციელდება კომისიური წესით, რომლის ფორმირების ფორმასა და წევრებს განსაზღვრავს შემსყიდველი

5.5.2. სამუშაოთა დასრულებამდე არაუგვიანეს 10 სამუშაო დღით ადრე მიმწოდებელი წერილობით ატყობინებს შემსყიდველს სამუშაოთა დასრულების შესახებ და მიუთითებს თავისი წარმომადგენლის ვინაობას, რომელმაც მონაწილეობა უნდა მიიღოს შემყიდველის მიერ განსაზღვრულ სამუშაოთა მიმღები კომისიის საქმიანობაში.

5.5.3. ხელშეკრულების 5.5.2. პუნქტით განსაზღვრული შეტყობინების მიღებიდან არაუგვიანეს 10 სამუშაო დღის ვადაში შემსყიდველი განსაზღვრავს სამუშაოთა მიმღებ კომისიას, რომელიც უზრუნველყოფს ს მიწოდებული სამუშაოს საბოლოო მიღებას

5.5.4. სამუშაოს მიმღები კომისია ამოწმებს სამუშაოთა მოცულობებს და ობიექტის დასრულების თაობაზე ხელისმოწერებით ადასტურებს საბოლოო მიღება-ჩაბარების აქტს.

5.6. შემსყიდველი ვალდებულია ოპერატიულად, სიტყვიერი და/ან წერილობითი სახით, აცნობოს მიმწოდებელს საბოლოო შემოწმების შედეგები დაწუნებულის სამუშაოს მოცულობისა და დაწუნების მიზეზის მითითებით.

5.7. სამუშაოს მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

5.8. შესრულებული სამუშაოს მოცულობისა და ღირებულების განსაზღვრის მიზნით, სამუშაოს ეტაპის ან საბოლოო მიღება-ჩაბარების გაფორმებისას შემსყიდველი უფლებამოსილია საკუთარი შეხედულებისამებრ მიმართოს მის მიერ შერჩეულ საექსპერტო დაწესებულებას. ასეთ შემთხვევაში სამუშაოს მიღება-ჩაბარება განხორციელდება ექსპერტის/სპეციალისტის დასკვნის წარმოდგენის შემდეგ.

6. ანგარიშსწორება

6.1. ანგარიშსწორება მიმწოდებელთან განხორციელდება ლარში, მიმწოდებლის საბანკო რეკვიზიტებზე, უნაღდო ანგარიშსწორების ფორმით, წინამდებარე ხელშეკრულების პირობების მე- 5 მუხლით გათვალისწინებული პირობების შესაბამისად, მიღება ჩაბარების აქტის გაფორმებიდან არაუგვიანეს 10 სამუშაო დღის განმავლო ბაში.

7. მხარეთა ვალდებულებები

7.1.1. მიაწოდოს „შემსყიდველს“ სამუშაო ხელშეკრულებით გათვალისწინებული მოთხოვნების განუხრელი დაცვით.

7.1.2. უზრუნველყოს გამოვლენილი დეფექტებისა და ნაკლოვანების აღმოფხვრა საკუთარი ხარჯით, შემყიდველის მომართვიდან არსებული ხარვეზის ან/და აკლოვანების აღმოფხვრისთვის საჭირო გონივრულ ვადაში.

7.1.3. დროულად განიხილოს „შემსყიდველის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

7.1.4. გაავრცელოს შესრულებულ სამუშაოებზე გარანტია ხელშეკრულების დანართით გათვალისწინებული პირობების დაცვით.

7.2. „შემსყიდველი“ ვალდებულია:

7.2.1. გამოყოფილი სახსრების უწყვეტი დაფარვის პირობებში უზრუნველყოს „მიმწოდებლის“ დროული და სრული დაფინანსება ხელშეკრულებით გათვალისწინებულ ვადებში.

7.2.2. დროულად განიხილოს „მიმწოდებლის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

6.2.3. დაიცვას ხელშეკრულებით გათვალისწინებული ყველა პირობა.

8. მხარეთა უფლება

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს:

8.2.1. აწარმოოს მიწოდებული მომსახურების ხელშეკრულების მოთხოვნებთან შესაბამისობის კონტროლი.

8.2.2. განიხილოს მიმწოდებლის მიერ ხელშეკრულების შესრულებასთან დაკავშირებული ყველა საკითხი.

8.2.3. მისცეს მიმწოდებელს მითითებები წინამდებარე ხელშეკრულებით გათვალისწინებულ საკითხებთან დაკავშირებით.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველსა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი, ასეთი გარემოება შეიძლება გამოწვეულ იქნეს ომით სტიქიური მოვლენებით, ეპიდემიით, კარანტინით და სამუშაოს მიწოდებისთვის საჭირო საქონლის მიწოდებაზე ემბარგოს დაწესებით, დაფინანსების წყაროს მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარის განწერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწვევის ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემდაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღისვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხებისგამო მხარეები შეთანხმდებიან ხელშეკრულების პირობების შესრულების ვადის გაგრძელებისთაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

13.1. მხარეები კისრულობენ პასუხისმგებლობას წინამდებარე ხელშეკრულებით გათვალისწინებული ანგარიშსწორების ვადების დარღვევის შემთხვევაში გადაუხადონ პირგასამტეხლო შეუსრულებელი ვალდებულების 0.1 %-ის ოდენობით ყოველ ვადაგადაცილებულ დღეზე.

13.2. იმ შემთხვევაში თუ ხელშეკრულების 13.1. პუნქტით გათვალისწინებული პირგასამტეხლოს ჯამური თანხა შეადგენს ან გადააჭარბებს სახელშეკრულებო ღირებულების 0,5 პროცენტს დამხარეები ვერ შეთანხმდებიან სამუშაოს შესრულების ვადის გაზრდაზე, შემსყიდველი უფლებამოსილია ცალმხრივად შეწყვიტოს ხელშეკრულება და ხელშეკრულების შესრულების უზრუნველყოფის საბანკო გარანტიით განსაზღვრულ ვადაში მიმართოს საბანკო გარანტიის გამცემორგანოს (გარანტი) საბანკო გარანტიით განსაზღვრული თანხის გადახდა.

13.2.3. ხელშეკრულების 13.1. პუნქტით გათვალისწინებული პირობების დადგომის შემთხვევაში მიმწოდებელი ასევე ვალდებულია გადაიხადოს ხელშეკრულების 13.2. პუნქტით გათვალისწინებული პირგასამტეხლო.

13.2.4. პირგასამტეხლოს დარიცხვა ან გადახდა არ ათავისუფლებს მხარეებს ძირითადი ვალდებულებების შესრულებისაგან.

13.3. მხარეები თავისუფლდებიან პასუხის მგებლობისაგან:

13.3.1. თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვაობიექტური მიზეზებით.

13.3.2. ის მხარე, რომელიც ხელშეკრულების პუნქტით გათვალისწინებული შემთხვევების გამო ვერასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობითაცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 10 დღისაწარმოადგინოს ცნობა შესაბამისი კომპეტენტური ორგანოდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.

13.3.3. ხელშეკრულების პუნქტით გათვალისწინებული პირობების დაცვის შემთხვევაში მხარეებიუფლებამოსილნი არიან გადახედონ ხელშეკრულების პირობებს და შეიტანონ მასში შესაბამისიცვლილება ვალდებულების შესრულების ვადისგაგრძელებასთან დაკავშირებით ან/და(არგუმენტაციის საფუძველზე) ვადამდე შეწყვიტონ ხელშეკრულება.

14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. საქართველოს მოქმედი კანონმდებლობით გათვალისწინებულ სხვა შემთხვევებში.

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის ხელმოწერისთანავე და მოქმედების ვადა 1 თვით აღემატება ხელშეკრულების შესრულების ვადას

16. განსაკუთრებული პირობები

16.1. ხელშეკრულება შედგენილია ----- გვერდზე, სამ ეგზემპლარად და თითოეულ მათგანს თანაბარი იურიდიული ძალა აქვს;

16.2. ხელშეკრულების ერთი ეგზემპლარი ინახება „მიმწოდებელთან“, ხოლო ორი „შემსყიდველთან“

16.3 ხელშეკრულებას თან ერთვის და მისი განუყოფელი ნაწილია შესასრულებელი სამუშაოების ხარჯთაღრიცხვა

დანართი №1

რეკვიზიტები

- პრეტენდენტის სამართლებრივი ფორმა და დასახელება:
- ხელმძღვანელის სახელი და გვარი:
- პრეტენდენტის იურიდიული ან/და ფაქტიური მისამართი:
- საიდენტიფიკაციო კოდი:
- პრეტენდენტის ტელეფონის ნომერი:
- ელექტრონული ფოსტის მისამართი:
- მომსახურე ბანკი:
- ბანკის კოდი:
- ანგარიშსწორების ანგარიში:

რეტენდენტის დასახელება

ხელმოწერა, ბ/ა

დანართი N3

ინფორმაცია ბოლო 5წლის განმავლობაში შესრულებული ანალოგიური სამუშაოების შესახებ

	დამკვეთის დასახელება	სამუშაოს დასახელება თითოეული	შესრულების პერიოდი	შესრულებული ღირებულება	spa
1					
2					
..					

პრეტენდენტის დასახელება
ხელმოწერა, ბ/ა

აუცილებელი მინიმალური მოთხოვნა:
პრეტენდენტს ბოლო 5 (ხუთი) წლისგანმავლობაში განხორციელებული უნდა ანალოგიური სამუშაოები, რომლის ჯამური ღირებულება უნდა შეადგენდეს არანაკლები 500 000 (ხუთასი ათასი) ლარს, პრეტენდენტმა აღნიშნულ ინფორმაციასთან ერთად ელექტრონული სისტემის მეშვეობით უნდა წარმოადგინოს ამ ობიექტებზე სამუშაოების დასრულების დამადასტურებელი დოკუმენტების ასლები, მიღება-ჩაბარების აქტები, შესრულებული სამუშაოების აქტები. საჭიროების შემთხვევაში შემსყიდველი უფლებამოსილია უზრუნველყოს წარმოდგენილი ინფორმაციის შემოწმება.